

:)2^r

PROLOCUTRIX SER-
MO DEDCATORIUS.

An

Den Geltrengen/ Edlen/ vnd Veften/ wie
auch Hochweifen Herren/ MICHAEL DA-
NIEL Pleickharden/ Genandt Poland. Deß
Hoch vnnd Ehrwürdigen ThumCapittels
Straßburg/ 7c. Confiliario.

Dann

Den Ehrnveften/ Hochgelehrten/ Fürneh-
men vnd Hochverftendigen Herren/ Balthafar
Keyben. I. V. Doctor an. In Franckfurt am
Mayn.

Wie auch

Den Ehrenveften/ Hocheffahren/ Für-
fichtigen/ vnnd Wolachtbaren Herren/ Johan
Enoch Meyer/ der Statt Straßburg Bawmei-
fter/ vnddeß Clofters zu S. Niclaus in Undis
dafelbften Schaffnern.

Seine Großgünftige Vielgeliebte Her-
ren vnd wolthätige Patronos,

GEftrenge/ Edle/ Ehrnve-
fte/ Hochweyfe/ Fürnehme/
Hochverftändige/ wie auch
Hoch vnd Wolgelehrte Groß
günftigen Herren vnnd Meccenates, wann

:) ij

:)2^v

ich den gantzen Curfum meines Studij von Jugendt auff hero ordenlich betrachte vnd durchlauffe/ fo befind ich/ vnnd hab in der that bißhero auch/ vnd im werck befunden/ vnd Augenfcheinlich Erfahren/ wie folchs je länger je mehr den Wahrglaubigen/ vnd rechten Naturaliften zuhanden ftoffet/ vnd die täglich Erfahrung vor Augen ftellet/ das Dreyerley Philofophia oder Weißheit fey/ derer fich die Welt zū Theil gebraucht/ vnd Einer mehr als der Ander/ Einer diefer/ der Ander jehner/ darunter doch nur Eine Ewig vnd Vntodtlich/ vnnd vor Gott dem Allmächtigen befehen mag/ (derer doch wenig Studiofi gefunden werden.) weil fie von oben herab/ vn̄ vom Vater deß Liechts herkommen vnd flieffen thut.

Die erfte ift nun die Gemeine Ariftotelifche Platonifche/ & nofri temporis Philofophia, welches nur ein Cagaltrifche Philofophi, Speculation, vnd Phantafey ift/ mit deken heutiges tags noch alle Schulen erfüllet/ vnd bethõret/ vnd die liebe Jugendt dardurch verführet wirdt: Vnd diefe ift ein lähres todtes gefchwätz von dem Grundt der Warheit weit abwegs/ vnnd irrig/ mit
Allen

*3^r

Allerley der Alten Heyden/ so vor Weyfe
leuth gehalten wordē) opinionibus, Mey-
nungen/ Wåhnen/ vnd irrigen gedancken
so für die Warheit angenommen worden
vnd noch heutiges tags mordicus vnd frã-
venlich defendirt werden: Dann sie von
einem vngünstigen Himmel vnd Gestirn/
böfen Inffuentzen, Auch Inspirationibus
Sathanæ her rühret/ vnd zur selben zeit für
groß Geheimnuß vnnd Heiligthumb/ wie
noch beim meisten Hauffen der Gelehrten
geachtet wirdt: Da es doch ein irrige/ fal-
sche/ tödtliche/ verführische Weißheit ist/
die mit dem Cörper im grab zu nicht/ t-
taub vnd aschen wirdt/ vnd ist eben diese vor wel-
cher vns der H. Hoherleuchte Apofstel Pau-
lus in seiner Epiftel. Cavete vobis ab ina-
ni Philofophia, vnnd Sehet euch für/ daß
jhr nicht durch die falsche Philofophien ver-
führet werdet.

Diese Philofophia, ob sie wol von Ju-
gendt auff in den Schulen ernstlich vnnd
fleißig auch gegen mir getrieben/ inculcirt
vnd auffgedrungen worden/ wie leider heu-
tigs tags andern noch geschicht/ so ist sie
mir doch für vnd für/ auß sonderlicher ein-
gebung deß H. Geistes/ suspect vnnd ver-

* iij

*3^v

dächtigt gewefe/ Alfo das ich meinen kopff
 Sin vnd Gemûth nit darmit abmartern/
 vnd fie meinem Hertzen/ als Heiligthumb
 perfuadiren, vnd einbilden wollen noch kön
 nen/ Derfelbigen an vnnd nach zuhengen/
 wie Andere gethan/ fondern fie alfo/ mei-
 nem Kindifchen Judicio nach/ Dazumahl
 muffen alfo paffiren vnd verpleiben laffen/
 biß vmbs Jahr/ 87. 88. 7c. Mir ein andere
 Philofophey zuhanden kommen/ Ob ich
 gleichwol mir in meinē Gemûth auch fteiff
 fürgenommen/ vnder meinen Condifcipu-
 lis nit der geringfte zu bleiben/ fondern mit
 der Zeit auch in Gradum Doctoris zu pro-
 moviren, Damit ich allen andern Vorge-
 he/ Vorgezogen werden möchte.

Aber es hat dem Lieben Gott in feiner
 Göttlichen providentz Anders gefallen/
 vnnd feind allerley Impedimenta meinem
 Curfum ftudiorum mehr zu hindern/ dann
 zu befördern/ bey meinen Superioribus vor
 gefallen/ biß letztlich/ da mir Anno 87. 88.
 Theophrasti Rogerii Bacchonis, M. Ifaa-
 ci Hollandi. Bücher vnd Schrifften/ zwar
 gar wenig auß Göttlicher Indulgentz zu-
 handen geftoffen/ darinnen Jch/ fonderlich
 in Medicina, vnnd da fie vom Univer-
 fal

* 4^r

fal Stein vnnd Medicin gefchrieben/ einen
 andern vnd beffern Grundt gefehen/ vnnd
 Gefunden/ vnd doch noch nit verftanden:
 Aber alfo bald den doch eine folche innigli-
 che anmuhtung darzu gewonnen/ daß ich
 mir gântzlich fürgenommen nicht zuerfter-
 ben/ vnd meinen Kopff nicht fanfft zulegen/
 biß ich folchen Univerfal Stein fampt der
 Thewren Himmlifchen Medicin erlangte.
 Diefem Studio aber damals nachzufetzen/
 weil ich zu Arm/ von meinen Eltern keine
 Impenfas, viel weniger vō andern Sumtus
 vnd promotiones darzu haben mögē (weil
 dieses Studii promotores damals noch we-
 nig Fürften vnnd Herren waren/) hab ich
 folches wider meinen willen müffen laffen
 fahren/ da ich doch ein folche Lieb darzuge-
 tragē/ daß ich viel Monat mit darfür ſchlaf-
 fen können. Auch endlich Anno 90. Vom
 Teufel vñ feinen Schüppen/ in groß Elend
 Vnfall vñ Kranckheit/ geförtzet worden/
 Vñ da mir Gott gnedig darauß geholffen/
 vnnd man meinen todt lieber gefehen dann
 mein leben/ darauff von dem meinigen auß
 Armuth halben/ wieder meinen Willen
 in den Mercenariat angehalten vnnd ge-

* iij

* 4^v

drungen worden/ da ich dann allerley ver=
 folgung vñ drangfal/ theils vom Antichri=
 ftifchen hauffen/ theils von falſchen Brü=
 dern/ von Weib vnnd Freundſchafft/ tor=
 quirt, gemartert/ vnd agitirt, vnd alfo vom
 Teuffel redlich durch die hechel gezogen wor=
 den/ Aber doch durch Gottes Vätter=
 lichen willen mir/ vnd meiner Sehnen zu=
 nutz widerumb darauß errettet/ vnnd aller=
 erft vor Dreyen Jahren (demnach ich in
 meiner geführten Pilgramſchafft/ etlich
 Jahr der/ beneben gebrauchten Poeterey/
 weil ſie jedermann verdrießlich/ das Valet
 gegeben/) widerumb zu dieſer wahren Phi=
 loſophey, Studio Medico, vnnd Scholam
 Theophratem Gott lob kommen/ vnnd
 mich öffentlich für einen Diſcipulum Pa=
 racelli erkläret/ Darvon mich weder Teu=
 fel/ die Welt/ jhre Schuppen/ Schlangen
 vnd Natterngezucht/ in Ewigkeit nimmer=
 mehr abwenden ſollen noch können werden.

Jehne Philoſophia lehret vns nimmer
 mehr daß Noſce teipſum, vnnd den grund
 deß Natürlichen Liechts/ in welchem doch
 viel Heydniſche Philoſophey, Sonderlich
 Pythagoras, ſo weit kommen/ daß er vielen
 heutigs tags vermeinten Maulchriftē wol
 billich

*5^r

hillich k̄nte vorgezogen werden/ l̄ntemal
er auß dem Geftirn vnd Creatis die erk̄n-
digung der Natur beffer gelernet/ als heut
zu tag vnfern auffgeblafenen Naßweife Phi-
lofophi andere lehren wollen/ vnnd felbft
im Grund nichts verftehn.

Diefe vnferre Hermetifche Philofophey
Aber/ welche in fich begreiffet die wahre A-
ftronomiam, Alchymiam, vnd Magiam,
wie auch Cabalam &c. Jft ein Vhralte
Wahre/ Nat̄rliche Scientia von Adam
her/ welcher fo wol nach dem fall als vor
dem fall/ allerding v̄llige erkantniß ge-
habt/ auff die Altv̄tter/ vnd liebe Freund
Gottes/ von Einem zum Andern geerbet/
vnnd hinderlaffen/ worden. Nach der
S̄ndfluß ift diefe Allgemeine Erkantniß
v̄n Wiffenfchafft diefer wahren Nat̄rlichē
Philofophey/ fo auß dem Hellen Liecht der
Natur bey ihnen Entsprungen/ Stucks-
weiß in vnderfchiedliche Ort vnd End auß-
getheilt/ vnnd fpargirt worden/ auch an
Kr̄fften weit gefchwechet vnd gemindert/
daß auß folcher Abf̄nderung ein Partiali-
tet entftanden/ vnd Einer ein Aftronomus
der Ander ein Magus, der Dritte/ Ein Ca-
balift, der Vierdt ein Alchymift worden/

* v

*5^v

vnd sonderlich hat sie in Ægypten trefflich hernach florirt, wie dann der Vulcanische Abrahā Tubalkaim, Ein künstlichen Meister in allerley Ertz vnnd Eifen werck/ wie auch ein Außbündiger Astrologus, vnd Arithmeticus gewesen/ vnnd solche Kunst mit sich auß Aegypten in das Land Chanaan gebracht. Dahero dann die Aegyptier so hoch kommen/ daß von ihnen solcher ding Geschicklichkeit/ Weißheit vnd Kunst auch zu andern Völkern vnnd Nationen gebracht worden ist.

Diese Kunst habē auch jederzeit die Chaldeer/ Hebreer/ Perfer/ vnd Aegyptier neben der Theologi vnnd Vnderrichtung in Göttlichen sachen gehabt/ vnd tractirt. Also ward Moses in der Aegyptier Schul in allerhand guten Künften inthiturt vnd dermassen Vnderrichtet worden/ daß Er außbündig in der Weißheit worden/ darumb er dann nicht vmb sonst zu einem Führer deß Jfraelitischen Volcks von Gott erkorn vn̄ verordnet ward.

Also hat auch Daniel diese Kunst vnnd Lehren von Jugendt auff in der Chaldeer Schulen in sich gefogen/ vnd erlernet/ wie dann seine Prophecey gnugsam außweiset/
vnd

*6^r

vnnd feine gefchickligkeit in allerley außlegungen gegen dem Künig Nebucadnezar vñ Beltzafar klårlich an tag gethan/ vnnd mit höchfter Verwunderung erwiefen. Solche Philofophi vnd Magi find auch gewesen die Drey Weyfen auß Morgenland/ fo CHRISTUM JESUM von Auffgang der Sonnen hergefucht/ vnnd jhn in der Krippe zu Bethlehem gefunden haben.

Da aber nach herfürbrechung/ diefer Göttlichen Magiæ vnd Natúrlichen wahren Philofophey 27. Jar nach der Sündfluß/ Vngefährlich im Jahr 1680. nach Erfchaffung der Welt/ bey den Chaldeern/ Perfianern/ vnd nachgehends in Aegyptē auch/ die Abgöttifchen vnd Aberglaubifchē Griechen folches gerathen/ Sind vnder jhren die Fürnembften vnd Verftändigften in Chaldeam vnd Aegypten gezogen/ damit fie auß jhren Schulen folche Weißheit fchöpfen/ vnd erlernen möchten/ Weil jhren aber die Lehr Göttliches worts auß der H. Bibel vnd dem Gefetz Mofis nit fchmackte/ vñ fie fich auff jhr Vernunfft vñ eygenen Verftand verlieffen/ gefchickter vnnd kluger

*6^v

kluger fein wolten als Gott felbft/ (wie dañ
deß Lucifers vnd feiner anhangender Schu
ler vnd Organen angeborne Art vnd Eigē
ſchafft/ vnd deß Teufels brauch allzeit ge
wefen/ daß wo Gott ein Kirchen geſtiftet/
er feine Capellen darneben auffgerichtet:
vnd im Newen Teftament auch alfo ergan
gen/ Da CHRISTUS der Hôchſte Spa
gyrus philofophus vnd Himmlifche Sâh
mann feinen Edlen Waitzen außgefâhet/
Er alfo bald als der Feind feinen Raden vñ
Vnkraut darauff hâuffig geworffen/ vnd
eingefchmeift/ wie leider zu Erbarmen/ am
tag ift. Da find ſie vom Fundament vnd
Grundvefte Aller Natûrlichen Geheym
niß/ vnd Verborgener Kûnften abgewichē/
vnd jhre Eigene dúnckel volle Weißheit auß
dem Trunckenen/ Thummen/ Jrrigen vnd
Verfûhrifchen Gefirn deß Sathans ge
fogen/ mit Eingemifchet/ vnd die Warheit
damit Vberſchwemmet vnd Verfinfert:
Dann jhr Eygener hochmut vnd præſum
tion ſie verhindert/ bethôrt/ vnnd in Jrr
thumb gefûrtzet hat.

Dann als ſie etwas wenigſ von dē Chal
deern vnnd Aegyptiern begriffen/ ſind ſie
ftoltz vnd Auffgeblafen worden/ haben ihrē

Ver

*7^r

Verftand viel mehr vnnd höher vertrawet/
 Als in jhrer Natur wan/ vnnd angefangen
 die Sachen mit viel fubtilen falch erdichten
 Erfindungen zu fchârpffen/ vnd ein Eige-
 ne auß jhrem fubtil gefponnenen Hirn/ auß
 dem irrigen trunckenen Gefirn jhnen influ-
 irte Philofophey zubefchreiben fich vnder-
 ftanden/ fo nit allein bey jhnen vberhand ge-
 nommen/ fondern auch nachgehendes zu dē
 Latinern von jhnen ift Außgebreitet wor-
 den/ Welche nicht weniger als die Griechē/
 da fie deren ein wenig bericht erlanget/ jhren
 Verftand auch haben wollen fehen laffen/
 vnd mit jhrem Zufatz helffen Mehren/ Zieh-
 ren vnd Verbeffern/ vnd doch mehr Ver-
 böfert haben.

Von folchen ift nun angeregte vermein-
 te Philofophey in gantz Europam außge-
 breitet worden/ vaft alle Academien vnnd
 Hohelchulen durchloffnen/ deren zugefallen
 folche auffgerichtet/ vnd die Jugend in de-
 ren Vnderwiefen worden/ auch noch heu-
 tiges tags alfo hartnäckig dariñ Inftituiret
 wird/ daß fie Moſis vnnd der Propheten ja
 CHRISTI felbften ſchier gar vergeffend/
 Solcher gleichſam Gott felbften anhangē
 defendiren, vnd biß auffs Blut tuiren, nit
 allein

* 7^v

allein in Teutschland/ fondern auch fast
bey allen Andern Nationen So auch Ei-
ner etwas der recht wahren in Gottes wort
gegründtē Philofophey gemäß vorbringt/
fo der jhrigen zu wider ift/ muß er nit allein
veracht/ verfpottet/ vnd verlachtet/ fondern
Ein Singularis, Ein Ketzer vnd Hærefiar-
cha, wie mir felbften von etlichen Pseudo-
Leviten gefchehen vnd begegnet/ gefcholtē/
vnd auch wol gar verfolget werden. Bleibt
es alfo bey dem alten Sprichwort Mundus
vult decipi. Darauff ift der Sathan ein
Taufent künftler mit feinen vielfältigen De-
ceptionibus, wie er die gantze Chriftenheit
hinters Liecht führet/ vñ mit feiner finftern
Latern welche fie für ein herrlich Liecht hal-
ten/ anfehen vnd verehren/ jhnen Vorzūn-
det in die Ewige Finfterniß d⁹ Höllen. Wer
nun will betrogen vñd verführet fein/ der
fahre nur immer hin/ er wirdts an jehnem
tag mit Ewigem Ach vnd Weh/ Heulen
vnd Zehnkloppern wol erfahren wie heiß die
Hölle fey.

Wann wir aber/ Großgünstige Herren
vnd Freundt wollen der Wahren Natúrli-
chen Philofophey/ auß dem Liecht der Na-
tur gegründet nachgehen/ vnd dieselbe er-
lernen/

*8^r

lernen/ Als vnferer Spagyriſche Phyloſo-
 phey/ Altronomiam Veram, vnd Magiā,
 Wo vnd von wem ſollen wir ſie ſtudiren?
 Sollen wir deren Doctores vnd Præcep-
 tores bey den Hohen Schulen ſuchen? Da
 werden wir ſie wahrlich nicht finden/ dann
 da ſind die rechtē Feind/ Spötter/ vnd ver-
 folger vnferer Philoſophey/ vnd aller derer/
 ſo jhr anhangen/ Et ARS non habet oſo-
 rem niſi ignorantem ſui: Sie wollen lie-
 ber bey den Hülffen vnd Spreuern/ die der
 Wind hin vnnnd her verftrewet/ als bey den
 Edlen wolſchmackenden Kern/ Rocken vnd
 Waitzen auß der Groffen Scheuren oder
 Schatzkammer deß Ewigen Gottes/ Als
 deß Reichen Haußvatters/ hoc eſt, Ma-
 crocofino vns vorgelegt/ vnnnd gegôn-
 net/ verbleiben. Wo ſollen wirs dann
 ſuchen/ bei welcher Schul frag ich? Ge-
 liebte Herren vnnnd Freundt/ Anders nir-
 gends können/ ſollen oder müſſen wir ſie
 ſuchen/ als bey dem Geſtirn/ das iſt die
 Schul/ darauß alles gelernet wirdt. Alle
 Natürliche Künſt vñ Weißeit: werdē von
 dem Geſtirn den Menſchen gegeben/ vnnnd
 Wir ſeind deß Geſtirns Schuler/ Das
 Geſtirn iſt vnfer Natürlicher Lehrmeiſter:

Auß

*8^v

Auß dem Liecht der Natur als auß vnferm Vatter/ auß dē wir Gemacht vn̄ Gefchaf-
 fen find/ follen wir lernen. Das Gefirn
 ift vnfer Natúrlicher Schulmeister/ dann
 alle Vernunfft vnnd Kunft erbet von dem
 Gefirn an Vns: Allfo hat es Gott verord-
 net/ daß das Natúrliche Liecht fey in dem
 Gefürn/ vnd in daffelbig gelegt dē Schatz
 der Menfchen/ auß demfelben gelernet zu
 werden. Nach dem fich nun der Menfch
 gegen folcher fchul neigt vnnd helt in feiner
 Imagination, Alfo folget auch in diefelbi-
 gen die Inclination vnd ætherifche Influentz
 Was aber nun der Menfch vom Gefirn
 fauget/ das ift alles feine tödliche Weißheit/
 Vernunfft/ Kunft/ vnnd was auß dem
 Liecht der Natur ift/ daß muß auß denfel-
 bigen erlernen werden. In Summa/ was
 zu dem Tödlichen dienet/ das lehret vns das
 Firmament: Was aber auff den andern
 Vntödlichen theil der Sehlen gehört/ vnd
 deß innern Menfchens im Göttlichē wan-
 del/ daß alles muß auß Gott gelernet wer-
 den/ Das trifft nun die Bildnuß Gottes
 an/ die ift dem Geift befohlen/ der Jhr vom
 Herren geben ift/ derfelbig lehret den Men-
 fchen vber Natúrliches zum Ewigen: Der
 ift beim

** 1 r

beim Menſchen allein als ein Schulmeiſter/ den Menſchen zuerleuchten in das Ewige. Darumb ſind auch 2. Leib/ Einer auß den Elementen/ vnnd Einer auß dem Geſtirn: Durch den todt kompt der Elementlich Leib mit feinem Geiſt in die Gruben/ vnnd die Aetheriſchen werden in ihrem Firmament verzehrt: Der Geiſt der Bildniß Aber gehet zu dem in deß die Bildtneuheit. Alſo ſtirbt ein jeglicher in dem/ auß dem er iſt/ vnd in daffelbig wird er Vergraben. Alſo ſcheidet der todt Drey Geiſter von einander vom Menſchen. Darumb der Weyſe Mann hoc eſt, der Mann der auß Göttlicher Weißeit lebt in der Bildtneuheit deß HERren/ derfelbig herrſchet vber den Geſtirnten vnnd Elementlichen Leib. Aber Brüder Bildneuheit ſoll der Menſch genug thun/ in einer jeglichen wandeln/ das er im Gefatz deß HERren erfunden werde in der Natur/ wie die Alten Weyſen Heyden gelebt haben/ vnd dann fürs ander/ in willen Gottes im Göttlichen Geiſt/ vnnd den Tödtlichen Leib mit feiner klugheit nit fürſetze der Ewigen Bildneuheit/ (wie alle Welt faßt jetzo mit jhrer vermeintē falſchen Weißeit thut) Auch die Ewige Bildneuheit von deß

* *

** 1 v

Thierifchen Leibs wegen nicht verftoffe/ vñ
den Thierifchen Leib mit feiner Weißheit
für das Ewige Heyligthumb nicht achte
noch erhebe/ Darumb der HERr Chriftus
nicht vergebens gefagt hat in dem Evange-
lio vom 3inßgrofchen: Gebt dem Keyfer
was deß Keyfers ift/ vnd Gott was Got-
tes ift/ Was hat er damit wollen Andeuten?
Eben das/ das Nemlich der Leib dem Na-
türlichen Leben nach/ dem Keyfer gehöre
der foll jhm vnderthânig fein als dem jrrdi-
fchen Haupt auff Erden: Die Sehle a-
ber Gott zu gehöre/ die folle er auch Gott
widergeben vnd ein vber antworten/ Das
ift er folle jhm fein Bildnuß auch widerge-
ben nach dem Geiftlichen ewigē Leben/ Als
dem Himlifchen Haupt Herren/ von dem
Leib vñ Sehl doch vnderfchiedlich herkom-
me. Er folle allfo in feinen Gebotten wan-
deln nach dem willen Gottes/ damit er fein
Bildnuß vnd Göttlich fewriges Ewiges
Depositum Spiraculum Vitæ widerumb
môge Gott in die Schoß Abrahams ein-
lieffern/ vnnd daß fie nicht Ewiglich durch
Gottloß teuffelifches Leben vnnd Wefen/
von feinem Angeficht in die Eufferfte fin-
fternuß verftoffen werde: Das ift Chrifti
Meyn-

**2^r

Meinung gewefen/ vnd Intention. Der nun nach der Bildnuß deß HErren lebt/ der vberwindet das Gefirn/ vnd wird billich ein weifer Mann genennet/ ob er gleich von der blinden vnfinnigen tollen Welt für einen thoren vnnd einfältigen Narren gefcholten vnd gehalten wirdt.

Vō diefem aber weiters zu Philofophirē gehört nit deß Orts zu der Tödlichē Philofophey/ fondern zu der Vntödlichen Ewigē Philofophey darvon wir anfangs andeutung gethan/ welche Chriftum Jhefum zum Anfänger hat/ von welchem wir die Stim̄ deß Vatters haben/ Hunc audite. Item, Seine Selbft eigene zuruffende Stimme/ an vns Matth. 11. Venite Omnes, &c. Difcite à me, quia fum humilis & mitis corde &c. Von diefem follten wir die Himmlifche vnd Ewige Philofophey lernē/ damit wir in das Reich der Himmlen kömen mögen ,Von diefer Philofophey wollen wir in kurtz/ Geliebts Gott/ auch etwas handeln: Hieher will fich diefes orts zu der Tödlichen vnd Natürlichen Philofophey weiters etwas zumelden nit gebühren: Ob ich wol beydes/ der Natürlichen vnd tödlichen/ vnnd der vber Natürlichen Himmlifchen/

** ij

**2^v

Vntödlichen Ewigē h. e. Immortali Phi-
 lofophiæ gantz vnd gar ergeben/ vnd darbei
 biß in mein end vnd gruben hinein derē Dif-
 cipulus vnnd Alumnus bleiben will/ finte-
 mahl ich der falfchen Heydnifchen Philofo-
 phey/ fo nicht auß dem wahren gründlichen
 Liecht vnnd Fundament der Natur geht
 gantz vnd gar abgefagt/ vnd valedicirt, weil
 aufferhalb Chrifto vnd feiner Weißheit/ in
 der Welt nichts ift dann Vanitas Vanita-
 tum: Vnd die Weißheit ich fuche vnd fuchē
 will/ bey dem fie zu fuchen vnd zu finden ift/
 dahin mich der Heylige Jacobus in feiner
 Epiftel weifet. Wo müffen wir aber zu
 vnferm Intent vnd Erforchung der Natur
 kommen/ Großgünftig Herren vn̄ Freund?
 Hinderm offen daheim lernets ſich wårlich
 nicht/ vnd wenn wir aller Philoſophen Bü-
 cher vberm hauffen hetten/ vnd die tag vnd
 nacht herumb ftürmten/ vnnd darauß erler-
 nen wolten/ Nein es thuts nicht: Sondern
 wann wir die Natur in vnferer Philoſophei
 durch forfchen wollen/ vnd zu einem gewün-
 ſchten glückfeligen end gelangen/ fo müffen
 wir d⁹ Natur bücher mit vnfern Füffen tret-
 ten/ Die Gefchrifft erforchet man durch jh-
 ren Buchftaben: Die Natur aber durch
 Land

**3r

Land zu Land/ da findet man bißweilē from
 me vnd trewhertzige Nicodemos, Natura-
 liften, Philofophos, vnd erkündigung der
 Natur/ vnd Liebhaber vnferer Spagyri-
 fchen Philofophey (ich rede ietzt nit von Be-
 trierifchen Landleufferifchen falchē Alchy-
 miften/ denen ich zugefallen nit einen fuß-
 breit verrucken wollte) Da kann man dann
 neben der felbft eigenen Erkündigung der
 Natúrlichen dingen bißweilen einen nutzli-
 chen guten bericht bekommen/ Der jhm her-
 nach dermal eins erfrießlich fein mag. Da
 rumb als oft ein Land/ als oft ein Blatt
 im Buch der Natur zu finden: Alfo ift nun
 Codex Naturæ fatis amplus & largus, Al-
 fo muß man jhre Bletter mit den Füßen
 vmbkehren/ vnnd mit dem Geift der ver-
 nunfft erförchen/ Ob wir fchon von den
 Pfeudofficianten/ vnd vermeinten Hoch-
 witzigen Rothen Paretles Doctorn vnnd
 Syrupköchen/ für Vaganten, Landleuf-
 fer/ vnd Landtreicher außgeltrichen vnnd
 befchrieben werden/ ligt Mir nichts daran.
 Der Jünger foll es nit beffer haben dann
 fein Meifter/ Solches ift Theophrasto, vn-
 ferm Thewren Præceptori vnd Monarchæ
 Artium auch begegnet/ Alfo auch Alexan-

**3^v

dro von Süchten/ Phœdroni, vnd andern
mehr/ Darumb achte ich auch nicht in der
gantzen Welt in meinem Reyfen/ was Men
schen hând gemacht vnnd gekünfelt haben/
welches Andere Hoch achten/ fondern al
lein was Gottes Hand gefchaffen/ darob
verwundere ich mich/ das fehe ich an/ vnnd
begehre es zu durchforfchen feine 3. Princi
pia zuerkündigen/ purum ab impuro zu
fcheyden/ Gottes Ehr vnd Glori dardurch
zu prædiciren vnd zubefchreiben/ vnnd et
was nützlichers darauß mir vnnd meinem
Nechften zu nutz vnnd gutem an Leib vnnd
Sehl zu fchöpfen. Dann alle Creata vñ
Gefchöpf Gottes find lebendige Buchfta
ben vnd Bücher deß Menfchen herkommen
zubefchreiben: Ja alle Creata find Buch
ftaben darinnen gelesen wirdt/ Wer der
Menfch ift/ Dann vor allen dingen foll jhm
ein jeder das Noße te ipfum trewlich laf
fen befohlen fein/ daß er fich felbft lerne/ wie
Ariftoteles Chymicus zu Alexandro Mag
no gefagt: Difce te ipfum & habebis om
nia, vnd Morienus: Omnes qui omnia ha
bent, alieno auxilio non indigent,

Darumb begnüget mir billich an diefen
Dreyen Büchern/ darauß ich alle Weiß
heit fchöpfen vnnd erlernen möge: Als an

**4^r

dem groffen mächtigen Circkelrundē Buch
 der Natur/ fo nit mit dinten/ oder Stylo
 gefchrieben/ fondern mit dem Finger Got-
 tes durch Sacrum Uni Trinitatis Signa-
 culum, Himmel vnd Erden vnnd allen ge-
 fchöpfen darinen eingegraben vnd verzeich-
 net vns vor augen fteht: Welches Buch Ma-
 crocofmus genennet wirdt. Zum Andern
 An dem kleinē Buch/ welches mit allen fei-
 nen Blettern vnd Stücken auß dem grof-
 fen genommen/ vnnd darnach formirt ift
 worden/ Welches der Menfch ift/ vmb def-
 fen willen alles was Gott je gefchaffen hat/
 da ift/ vnd diefes wird Microcofmus genen-
 net: Vnd ift der Menfch allein Der/ Der
 ein Inftrument ift deß Natürliche Liechts/
 das jehrig zuvolbringen/ diefelbigen werck
 in Künften vnd Weißheit darzu thun/ wie
 fie dann Gott im Firmament verordnet
 hat. Also hat er auch weitt ers verordnet/
 das der Menfch einen zweyfachen Magne-
 ten habe/ Einen Nemlich von den Elemen-
 ten/ darumb zeucht er fie widerumb an fich:
 Darnach einen auß dem Gefirn/ auß dem
 er an fich zeucht die Microcofmifche Siñ-
 ligkeit widerumb vom Gefirn/ vnnd hat
 also die Vernunfft deß Menfchen einen
 Magneten/ der in fich zeucht vom Gefirn

* * 4^v

die Sinn vnd Gedancken: Auß diefem fa-
 ge ich/ daß noch einer entftehe in den Recht-
 glaubigen/ Magis vnd Cabaliften/ vnd das
 diefer dritte Magnet verborgen fey/ in der
 Bildnuß Gottes/ vnnd in deß Menfchen
 Sehl/ der dringe durch die Imagination vn̄
 den Glauben/ zu dem/ von dem Sie kom-
 men ift/ vnd fuchet die Ewige Weißheit vn̄
 den H. Geift/ der jhr von Chrifto verheiffen
 ift. Darumb ift auch wol zumercken/ das
 3wo Sehlen im Menfchen find/ die Ewig
 vnd die Natúrlich/ das ift 3wey Leben: Eins
 ift dem Todt vnderworffen/ Das Ander
 widerftehet dem Todt: Alfo auch die 3wen
 Geift/ der Ewig vnd der Natúrlich/ Was
 Natúrlich ift/ das ift im gefirnten Leib/ vnd
 der gefirnte Leib ift im Corporalifchen/ vn̄
 find als beede ein Menfch/ Aber 3ween Leib.
 Alfo befinden fich auch im Menfchen 3wen
 Himmel/ der Eine ift Luna Cerebrum, der
 Cagafrifche Himmel: Im Hertzen deß
 Menfchen aber ift der Rechte Jliarifche Ne-
 croconifche Himmel/ Ja COR HOMI-
 NIS felbft ift der Rechte Himmel deß Ewi-
 gen Wefens/ darauß die Sehl noch nie
 kommen ift/ darinnen jhm der Newe Olym-
 pus vnd Himmel Chriftus Jhefus feine re-
 fidentz

**5r

fidenz vnd Wohnung bey allen Glaubigen erwehlet hat.

Das Dritte Buch ist Nemblich Sacra Biblia, die H. Hochwürdige Schrifft Alt vnd New Testaments das weist vns auff diese 2. vorgehende Bücher hinein/ darinnen vns die Göttliche Chronica vom H. Geift beschrieben/ darthut/ wie die Große Welt vmb der kleinen Welt willen beschaffen/ vnd Gott dem HErrn Einigen vnnd Allein vmb den Menschen zuthun gewesen/ der von Gott dem Vatter zeitlich auß der großen Welt gespeiset/ ernehret vnd erhalten/ vnd nach dem fall durch seinen Sohn vom Ewigen verderbē erlöset/ durch Wasser vnd Geift wider Newgeboren/ vnd mit dem Himmlischen Manna vnd der Ewigē Speiß/ der Newen Creatur zugehörig/ zū Ewigen Leben vorsehen vnd gespeiset/ vnd durch den H. Geift in alle warheit geleitet vnd geführet würde.

Auß diesen Dreyen Büchern/ Großgünstige Herren vnd Freund/ können vnnd mögen wir gnugsam durch hilff vnnd beystand Göttlicher Gnaden vnd deß H. Geistes erlernen/ was vns an Leib vnnd Sehl/ zeitlich vnd Ewiglich nutzlich vnd heylsam

**5^v

fein mag/ das wir aller Irrigen/ Verführ-
riſchen Heydnifchen Bücher vnd Scripten,
deren die gantze Welt vnd alle winckel voll-
ftecken/ gar wol entrathen mögen.

Damit wir aber wieder zu vnferer Gehey-
men Hermetifchen Philoſophey kommen/
Geliebte Heren vnd Freund/ Io haben wir
vns neben andern Filiis Doctrinæ nit we-
nig zubeklagē/ Ob wol vnzehlich viel Teu-
flifche Philoſophi von der Univerſal Medi-
cin, vnnd dem Gebenedeyten Steyn der
Weyſen geſchrieben/ Heyden vnd Chriſtē/
vnd jre Schrifftē vns hinter laſſen: dz folche
auß deß Teuffels anhetzung vnd getrib/ von
Gottloſen Cacoſophiften vnd Pſeudophi-
loſophis vndergetruckt/ mehrertheils hin-
derhalten werden/ könnens jhnen nicht nutz
machen/ vnnd mögens Andern auch nicht
gönnen.

Vnnd das iſt ein Rechter Teuffelsgriff
damit die warheit nicht antag komme/ vnd
fein Lügen vnd Narrenſchiff/ darinn er die
gantze Welt nun viel 100. Jahr verblindt
geſchlöppet/ vnd herumb führet/ nicht er-
kandt werde.

Fürs ander haben wir vns auch zubekla-
gē wider diejehningen/ Io folche Bücher zum
theil in Truck gehen laſſen/ aber verfälfcht

**6^r

vnd verftũmelt/ wie ichs im Triumphwagē
 Fr. Bafilii, Alexanders vō Sũchten/ auch in
 Theophrasti Schrifften klårlich befunden/
 das mans den jenigē nit gōnnet/ die d⁹ kunft
 vñ wahrē natũrlichē weißheit nachtrachtē/
 vñ alfo da ein Defect, od⁹ veränderũg/ da ein
 anders eingemenget wirt/ wie dann auch in
 diefem gegenwertigen H. Alexanders von
 Sũchten Tractetlein augenfcheinlich zufe-
 hen/ da hie was/ dort was ftucksweis pub-
 licirt/ vnd andern Scriptis admifciret wor-
 den. Vnsonderlich haben wir vns/ Groß-
 gũntig Herren vnd Freund/ hõchlich zube-
 klagen wegen d⁹ Thewrē Schrifften Theo-
 phrafti, vnfers Hoherleuchten Teutfchen
 Philofophi vnnd Hermetis verē Trifme-
 gifti, dz diefelben bißhero fo teufflischer arg-
 liftiger weiß vndergetruckt/ vñ die wenigstē
 vnd aller schlechtesten zurechnē nur in truck
 kommen find. Ja ob man fie wol hin vnd
 her auß allen Landen/ da Theophrastus ge-
 wesen vnd gereifet/ auffgefamlet vnd colli-
 girt: derer er etlich 1000. Bũcher beschriben
 in Aftronomia, Philofophia, Chymia, Ca-
 bala. vnnd Theologia Gratiaē hinderlassen
 hat mā doch nur folches zu eigenē nutz/ geitz
 vñ Reichtuñ dardurch zuerlangē/ gerichtet
 die

**6^v

die besten in Fürften vnnd Herren Höffen
 verftecket/ damit ein Mercketenterey/ vnnd
 Kauffmanſchafft angefangen/ vnnd allfo
 verpartirt/ vmb groß gelt verkaufft/ vnnd
 der gantzen Chriftenheit nutz vnd frommen/
 vmb deren willen ſie von Theophrasto ge-
 ſchrieben vnnd hinderlaſſen worden/ gar
 nicht angeſehen/ Sonderlich was ſeine The-
 ologiſche Schrifften anlangt/ weil ſie den
 Gottloſen verruchten/ vom Teuffel ver-
 blendten vnd verführten Weltkinder vnnd
 Bauchdienern zuwider/ vnnd jhren kropff
 nicht geſchmacket/ bißhero gantz vnnd gar
 vndergetruckt worden/ Zu welchem Teuf-
 liſchen werck Thurneyſer/ Inſtrumentum
 verum Sathanæ, der Alle Welt/ Chur vnd
 Fürften groß vnd klein betrogen mit ſeiner
 falſchen Alchymey/ vnd andern Lugenkün-
 ſten/ ſich redlich neben andern/ deren ich jetzt
 verſchonen will/ gebrauchen laſſen/ Aber
 das ſollen ſie an jehnem tag in der Warheit
 erfahren/ daß ich vor dem Richterſtul Jhe-
 ſu Chriſti ſolche gefellen/ neben allen wah-
 ren Filiis Doctrinæ werde anklagen/ vnnd
 rechenſchafft von jhnen erfordern/ daß ſie
 die Thewren vnnd Hochwüldige Scripta
 der gantzen Chriftenheit zu nutz vnnd heyl
 von

**7r

von Gott in diesen letzten Zeiten durch Theophrastū verordnet/ abgestohlen/ verkauft/ verpartirt/ vñnd die Liebe warheit in Kisten vñd Kaften/ Mauer vñd Gewölb/ Schlöf fer vñd Rigel verftecket haben.

Was ferners diesen vnfern Thewren Hochbegnadeten Monarchen vñ Præceptorem anlangt/ Ph. Theophrasto/ Hochseligster Gedächtnuß/ wollen wir sein Vitam, vñd seine gebührende Laudes vñd Famam Immortalem, das ihm Gott/ die Engel/ vñd das gantz Firmament gegönnet vñd gegeben/ für vnser person nicht vñdertrucken lassen/ Sondern seine Ehr vñnd Lehr Cordetenus, usquē ad extremum vitæ habitum defendiren, vñd solches/ geliebts Gott/ in kurtzen tagen in einer sonderlichen Præfation, (do wir einen Anfang mit seinen Cabalischen vñ Theologischen Büchern machen werden/ der gantzen Christenheit ewiges heyl vñd Seligkeit zubefördern/ damit der Dreyköpffige Antichrift oder die Drey vnreine Geister in Apocalypfi, recht mögen von jedermann erkandt vñnd geflohen werden/ ins werck richten. Dann wir alle seine Scripta, so viel möglich zubekommen/ mit Christi hülf vñnd beystand/ defen Ehr

** 7^v

fen Ehr vnnd Glori/ wie auch der gantzen
 Chriftenheit heil vnd Wolfahrt/ Er Einig
 vnd allein gefucht/ auffs new in öffentlichē
 truck zu ordnen gântzlich bedacht vnnd ent-
 schlossen. Wie ich dann der tröftlichen
 hoffnung vn̄ zuverlicht bin/ daß alle Chrift-
 eyfferige Liebhabere vn̄ Nachfolger Veræ&
 Chriftianæ Philofophiæ, von vnferm Him-
 lifchen Philofopho Chrifto Jefu herürend/
 mir einen trewlichen beytand leiſten vnnd
 erweiſen werden. Darumb ich dann vmb
 Chrifti Ehr vn̄ Glori willen/ vnd der lieben
 lang gedempfften Warheit/ vnnd dieſer
 Thewren vnd Edlen Philofophy/ Magiæ
 vnd Alchymey willen/ vmb Gottes willen
 Hohes vnd Niderftandes perſonē zum De-
 mütigften will gebetten vnnd angeruffen
 haben/ mit ſolchen ſchriſften mir zu dienen
 Soll jhnen hinwiderumb in höchſter danck-
 barkeit/ da wir vnſer gewünſchtes end inn
 kürtze wills Gott in der Philofophia vnnd
 Medicina Adepta erreichen werden/ Zum
 Vndertähniſten willfahret vnd begegnet
 werden: Dann da ſie in d⁹ warheit ſehen vnd
 erfahren ſollen vnnd werden/ daß deme alſo
 ſey w³ wir ſampt Andern lang gefucht habē.
 In vida rumpantur reprobis licet Ilia Mundo,
 Tandem triumphabit tamen

**8r

Diva, falutari cum fœnore, Clauſa tenebris,
 Sacroſancta, femper Veritas.
 Was aber diß gegenwertig Bûchlein
 Großgûnftige Herren vnd Patroni, Wel-
 ches ich Pandoram Novam Auream & O-
 lympiacam intitulirt/ vom L. Philoſopho
 rum tractirend/ anlangen thut/ hab ich fol-
 ches trewlich vn̄ ohn allen falſch/ wie ichs be-
 kōmen/ Den Filiis Doctrinæ Spagyricæ,
 weil dieſe Tractetlein alle/ ſo darinn begrif-
 fen/ vor niemals gefehen worden/ gern Cõ-
 municiren/ vnd in offenen truck publiciren.
 wollen. Vnd ſonderlich weil E. V. G.
 vnd Herrligkeit Sonderliche Liebhaber vnd
 Mecœnates der Thewren vnd Edlen Al-
 chymey/ vnd Spagyriſchen Kunft bißhero
 viel Jar gewefen/ vnd nicht geringe wiffen-
 ſchafft vnd Verftand darinnen haben/ Hab
 ich folch Bûchlein vnder Ewrem Adelichē
 Lõblichen vnd Wohlberûhmten Nammen
 vnd Anfehlichen Patrocinio wollen außge-
 hen laffen/ Vnderthånig bittendt/ E. V.
 Gunft vnd Herrligkeit wollen jhnen als von
 einem Wolbekandten/ doch Armen Dici-
 pulo SS. Theopharaftiæ, vnd Immortalis
 Phifoſophiæ Chriftianæ alumno, dieſe de-
 dicatoriā Cõpellationē nit mißfallen/ ſon-
 dern vielmehr belieben vnd wid⁹ alle lãfterer

**8^v

Spötter/ vnnd Verfolger diefer Thewren
 Künften mich fampt diefen Philofophifchē
 Büchlein/ defendiren, vnnd mein Chrif-
 lich eyfferig Gemûth/ die Warheit zu pro-
 moviren, Confirmiren, vnnd in alle weg
 befördern helfen: Dero ich mich hinwider-
 umb da Gott fein Gnad vnnd Göttlichen
 Segē verleihen wirdt/ Danckbarliche Ref-
 pondentz zu erzeigen/ vnd im werck zuer-
 weifen gewillt/ vñ zum trewlichften geneigt
 Hiemit vns alle famptlich vnnd fonders/ in
 den Gnadenreichen Schutz vnnd Schirm
 Gottes/ Actum Altera Feria Natalitia I.
 Chriftri Trismegifti noftri Spagyri in orbe
 nati 1607. 26. Decembris in Eremitico
 nofthro Mufæolo Hagenoam.

E. Gefirengheit/ Velt/ Gunft
 vnd Herrlichkeiten.

Officiofißimus Servitor

Benedictus Figulus, Utenhovies, Fr.
 Poeta L. C. Theologus, Theofophi-
 us; Philofophus; Medicus; Ere-
 mita. T. M.